



CONCELLO DE TOURO
RÚA ISABEL II 26
15822 - TOURO
CORUÑA (A)

Expediente nº: IF204A/AC/2024/0274

A súa referencia: "PAVIMENTACIÓN DE VIARIOS EN QUINTAS DENDE AC-240 E OUTROS"

Asunto: **Resolución de autorización na zona de dominio público e/ou nas zonas de protección da estrada AC-240**

Solicitante: CONCELLO DE TOURO

Obras, instalacións ou realización de actividades para as que se solicita a autorización:
MELLORA DE CAMIÑO E ACCESO A ESTRADA

Concello: TOURO

Estrada: AC-240

PQ inicio: 22+150

Marxe, no sentido de avance da quilometraxe: Esquerda

ANTECEDENTES

1. O 08/02/2024 recibíuse neste servizo a solicitude do CONCELLO DE TOURO, na que solicitaba a autorización para MELLORA DE CAMIÑO E ACCESO A ESTRADA.
2. Con data do 22/02/2024 o equipo de vixilancia de explotación emitiu un informe de campo tras visita ao lugar da solicitude.
3. O 06/06/2024 o enxeñeiro facultativo deste servizo emitiu un informe sobre a solicitude presentada.





NORMATIVA APLICABLE

1. Lei 8/2013, do 28 de xuño, de estradas de Galicia (DOG 12/07/2013) e as súas modificacións. En adiante LEG.
2. Decreto 66/2016, do 16 de maio polo que se aproba o regulamento xeral de estradas de Galicia (DOG 20/06/2016) e as súas modificacións. En adiante REG.
3. Lei 39/2015, do 1 de outubro, do procedemento administrativo común das administracións públicas (BOE 02/10/2015). En adiante LPAC.
4. Lei 40/2015, do 1 de outubro, do réxime xurídico do sector público. (BOE 02/10/2015). En adiante LRXSP.
5. Orde do 23 de maio de 2019 polo que se regulan os accesos nas estradas de Galicia e nas súas vías de servizo.
6. -Prego de prescricións técnicas xerais para obras de estradas e pontes.
7. Orde do 15 de febreiro de 2016 pola que se aproba a norma 5.2-IC Drenaxe superficial.
8. Orde do 6 de abril de 2014 pola que se aproba a norma 8.1-IC Sinalización vertical.
9. Orde do 16 de Xullo de 1987 pola que se aproba a norma 8.2-IC Marcas Viarias.
10. Orde do 31 de agosto de 1987 pola que se aproba a norma 8.3-IC Sinalización de obra.

CONSIDERACIÓNS LEGAIS E TÉCNICAS

1. De acordo co artigo 47.1 da LEG, a execución de obras, instalacións ou a realización de calquera outra actividade na zona de dominio público da estrada ou nas súas zonas de protección está suxeita ao deber de obter a correspondente autorización previa.
2. O obxecto da solicitude presentada cumpre co sinalado na LEG e o seu regulamento, segundo o informe técnico do enxeñeiro facultativo de data 06/06/2024.





3. O artigo 43.1 da LEG regula os usos autorizables na explanación da estrada e na dos seus elementos funcionais:
 - f) Elementos, obras, actuacións e instalacións necesarios para que as administracións públicas poidan exercer as súas competencias, cando pola súa natureza ou funcionalidade non poidan ter outra colocación.
4. O artigo 43.1.c) da LEG indica que son autorizables na zona de dominio público as obras de acceso á propia estrada.

De acordo co indicado, **RESOLVO:**

Autorizar ao CONCELLO DE TOURO no que respecta á competencia sectorial en materia de estradas, a execución das obras de MELLORA DE CAMIÑO E ACCESO A ESTRADA no P.Q 22+150 da estrada AC-240 no concello de TOURO.

- Exixir a constitución dunha **garantía de seiscentos (600,00.-€) euros** que responda dos potenciais danos ou perdas que se poidan provocar ao dominio público viario, conforme ao artigo 51 da LEG e 119 do REG. Esta garantía deberá depositarse **pola empresa adjudicataria das obras** na caixa xeral de depósitos da Axencia Tributaria de Galicia, a favor da Axencia Galega de Infraestruturas. A autorización carecerá de validez se non acredita perante este servizo provincial o xustificante de ter presentado o depósito da garantía. O **prazo de garantía será de doce (12) meses** desde a data da acta de conformidade.

Esta autorización axustarase ao disposto pola Lei de estradas de Galicia e a seu regulamento, ademais do cumprimento das seguintes **condicións:**

CONDICIÓN PARTICULARES:

1. A s obras solicitadas no entorno do p.q. 22+150 na marxe esquerda da AC-240 consisten en: MELLORA DE CAMIÑO E ACCESO A ESTRADA.
2. As obras deberán estar rematadas no **prazo de vinte e catro (24) meses**, que se empezará a contar a partir do día seguinte da notificación da resolución. No caso de non poder executalas no prazo establecido deberá solicitar unha prórroga con antelación suficiente á finalización do prazo establecido.





3. **Impedirse a chega de augas de escorrega dende o acceso á calzada, dispoñendo, neste suposto de reixas corridas no acceso.**
4. A conexión co bordo do aglomerado da estrada autonómica farase á mesma cota.
5. O pavimento do camiño na conexión á estrada será de MBC ou formigón, nunha lonxitude mínima de 10 m., en todo o ancho da súa sección, medida desde a aresta exterior da estrada autonómica.
6. No suposto de existir arquetas ou sumidoiros, deberase proceder o recrecido dos mesmos.
7. **O acceso non dispón de carril de aceleración, debe contar cunha sinal tipo R-2 STOP na marxe dereita do acceso, en prolongación da aresta exterior da plataforma da estrada.**
8. **Procederase o establecemento das marcas viarias correspondentes á liña de detención e á inscrición no pavimento da sinal de STOP situada antes desta. Para á súa disposición e medidas atenderase o disposto na norma 8.2-IC.**
9. Non se poderán variar as características nin o uso do acceso sen a autorización deste Servizo.
10. Será por conta do titular da autorización a limpeza e mantemento periódicos, así como as actuacións de conservación ordinaria e extraordinaria do acceso (incluíndo a reparación e renovación do pavimento) e dos elementos da estrada ós que afecte a súa utilización, permitindo en todo momento a vialidade da circulación.
11. Durante a execución das obras, tomaranse as precaucións necesarias para garantir a seguridade da circulación, colocando a sinalización e balizamento regulamentados na Norma 8.3-IC.

CONDICIÓN XERAIS:

1. A autorización outórgase a reserva das demais licenzas e autorizacións necesarias, sen prexuízo de terceiros e deixando a salvo os dereitos preexistentes sobre os terreos ou bens. Non suporá en ningún caso a cesión do dominio público, nin a asunción pola administración titular de ningunha responsabilidade respecto da persoa titular da autorización ou de terceiros.





A administración titular da estrada poderá, en calquera momento, modificar ou suspender temporal ou definitivamente a autorización cando a actuación produza danos no dominio público viario, por incumprimento das condicións da autorización, por poñer en risco a seguridade viaria ou cando se alteren os supostos determinantes do seu outorgamento ou cando resulte incompatible con normas aprobadas con posterioridade.

2. Esta autorización entenderase outorgada a **precario** na parte na que afecte á zona de dominio público.

As autorizacións outorgadas para a realización de obras, instalacións ou actividades na zona de dominio público poderán ser revogadas unilateralmente polo órgano que as outorgou en calquera momento por razóns de interese público, sen xerar dereito a indemnización, cando sexa necesario por motivo de calquera obra que vaia realizar na estrada a administración titular desta, e quedará obrigada a persoa solicitante a retirar á súa conta os elementos instalados.

As autorizacións outorgadas para a realización de obras, instalacións ou actividades na zona de dominio público exclúen o aboamento á persoa interesada de calquera indemnización por razón dos danos e perdas ocasionados pola explotación e polo uso da estrada, incluídos os causados polo tráfico ou por calquera obra realizada na estrada pola administración titular desta, incluídas as de conservación. Nese caso, a reposición das obras e elementos amparados pola autorización será por conta da persoa interesada.

3. A autorización producirá efectos mentres permaneza o obxecto determinante do seu outorgamento e será transmisíble previa notificación do cambio de titularidade a este servizo.
4. Se para a execución das obras, instalacións ou actividades fose necesario construír un acceso á estrada, deberá solicitarse previamente a preceptiva autorización de acceso neste servizo provincial.

Así mesmo, calquera outro tipo de obras que se pretenda realizar dentro da zona de afección da estrada, aínda que sexan complementarias da solicitada, como peches, canalizacións ou cruces subterráneos, acometidas, etc., que non comprenda a presente autorización, requirirán autorización expresa deste servizo.





5. Durante o tempo no que se manteñan as obras, deberanse tomar as precaucións necesarias para garantir a seguridade da circulación no treito afectado, colocando a sinalización e o balizamento regulamentario segundo a **Instrución 8.3-IC** sobre Sinalización, balizamento, defensa, limpeza e terminación de obras fixas fora de poboado, o Código de circulación, o Manual de exemplos de sinalización de obras fixas do Ministerio de Fomento e outras disposicións vixentes, sendo o petionario o responsable dos accidentes a que puidera dar lugar a insuficiente sinalización ou o mal estado de conservación ou colocación desta, debendo retirala tan pronto como se rematen as obras retire a instalación.
6. No caso de necesitar realizar cortes e desvíos do tráfico na execución das obras o solicitante deberá obter previamente a preceptiva **AUTORIZACIÓN da xefatura provincial de Tráfico**, segundo o recollido no artigo 37 do Regulamento Xeral de Circulación (RD 1428/2003), que xunto co artigo 39 regulan a ordenación especial de tráfico por razóns de seguridade e fluidez e a limitación deste.
7. As obras, instalacións ou actividades executaranse segundo a documentación presentada no expediente, no seu caso, e segundo as condicións impostas na autorización, sen interromper nin dificultar, agás casos excepcionalmente autorizados, a circulación pola estrada e garantindo, en todo caso, a seguridade viaria.
8. **Non se poderán iniciar as obras sen que o persoal deste servizo comprobe a súa implantación sobre o terreo e se teña depositada a garantía definida nesta autorización.**

Para isto, a persoa interesada porase en contacto co dito persoal cunha antelación mínima de sete (7) días da data que prevexa para o inicio da obra e comunicará a identificación da persoa a que teña encomendada a dirección da actuación, cando non coincida coa persoa titular da autorización. A realización e contido da súa implantación quedarán reflectidos nunha acta. Se non houberse conformidade faranse constar os reparos de xeito pormenorizado e concederáse un prazo proporcionado para a súa corrección.

A acta de conformidade da súa implantación implicará o permiso definitivo de iniciación das obras no que á normativa sectorial de estradas se refire.





9. Con carácter previo ao inicio das obras deberá constituír a **garantía definida nesta autorización** na Caixa do Departamento Territorial da Consellería de Facenda a favor deste Servizo provincial e presentar neste servizo o correspondente resgardo.

A garantía manterase durante o prazo de **doce (12) meses** dende a data da acta de conformidade da finalización da obra.

Transcorrido este prazo dende a finalización das obras, poderá vostede solicitar a devolución desta a este servizo provincial.

A súa devolución farase efectiva unha vez comprobado que as obras realizadas se axustaron ás condicións indicadas na resolución da autorización, así como a non existencia de danos ou perdas ao dominio público viario ou aos seus elementos. No suposto de que as persoas interesadas ocasionasen danos ou perdas ao dominio público viario, a Administración titular da estrada incautará a garantía na contía equivalente a ditos danos e perdas.

10. As obras, instalacións ou actividades autorizadas executaranse baixo a inspección e vixilancia do persoal deste servizo provincial cumprindo todas as condicións de garantía e seguridade establecidas polas disposicións vixentes e, ademais destas, o petionario aceptará as especiais que se poidan impoñer para a seguridade da estrada e do tráfico.
11. O titular da autorización será responsable de todos os danos e prexuízos ocasionados á estrada, á súa zona de influencia, a terceiros ou na súa propia actividade con motivo da realización da obra, actuación ou instalación autorizada, quedando obrigado a repoñer, ao seu cargo, os elementos da estrada que resulten afectados pola execución das devanditas actuacións, restituíndoos ás súas anteriores condicións de seguridade, funcionalidade e aspecto.
12. Durante a execución das obras:
- Será de conta do petionario a boa conservación e limpeza permanente da obra, debendo retirar ó seu remate tódolos materiais sobrantes.
 - Non se autoriza a ocupación do dominio público para o almacenamento de materiais. Os residuos xerados nas obras serán xestionados adecuadamente, sen deixar ningún resto na zona de afección da estrada, nin na zona de dominio público.





- Non se poderán verter á calzada, beiravías, foxos, desmontes ou terrapléns da estrada as augas das choivas, de escorregas ou arrastres ou calquera outros produtos ou materiais procedentes da construción autorizada.
 - Adoptaranse as medidas oportunas para que, ao executar as obras, non se prexudique o bo drenaxe da estrada e das súas obras de fábrica.
13. Logo de **rematada a actuación**, o persoal deste Servizo Provincial documentará a súa terminación, o seu estado e a súa **conformidade cos termos da autorización**.
- Para isto, o interesado comunicará a este servizo provincial, cunha antelación mínima de sete (7) días, a data que prevexa para o remate da devandita actuación. Estenderase unha acta de conformidade ou, no seu caso, faranse constar as obxeccións oportunas, concedéndose o prazo proporcionado para a súa corrección.
- A acta de conformidade da finalización** das obras implicará o permiso de uso das obras, actividades ou instalacións no que a normativa sectorial de estradas de refire, e a reserva das demais licenzas e autorizacións necesarias.
14. O titular da autorización será responsable das operacións de conservación e mantemento requiridas pola obra, actuación ou instalación obxecto de autorización e que sexan necesarias para garantir a salubridade, accesibilidade, seguridade e funcionalidade menoscabadas como consecuencia do uso destas.
15. O incumprimento das condicións descritas nesta autorización dará lugar ás responsabilidades que se recollen nos Títulos IV e V da Lei 8/2013, do 28 de xuño, de estradas de Galicia, e no Regulamento xeral de estradas de Galicia, sobre protección do dominio publico viario e o réxime sancionador.

Contra esta resolución, que non pon fin á vía administrativa, poderá interpoñer recurso de alzada ante o director da Axencia Galega de Infraestruturas no prazo de un (1) mes, que se contará desde o día seguinte ao da recepción da súa notificación, de acordo co disposto nos artigos 121 e 122 da Lei 39/2015, do 1 de outubro, do Procedemento Administrativo Común das Administracións Públicas.



Mediante este documento notifícasele esta resolución segundo o esixido no artigo 40.1 da Lei 39/2015, do 1 de outubro, do procedemento administrativo común das administracións públicas.

A Coruña, O xefe do servizo provincial Felipe De la Vega Gándaras (Sinatura dixital)

